



## Il badalestg japanès („Japanknöterich“) sederasa a Mustér muort malprecauziun tier la dismessa da curdem d'iert

**Perliung digl ual da Clavaniev sederasa il badalestg japanès. La caglia importada ei scumandada tenor art. 15 dalla ordinaziun da liberaziun. Grazia a quella deponia selvadia regia buca mo in grond prighel per la fauna indigena, ei seresultan era cuosts per la vischnaunca.**

Il badalestg japanès ei ina sort fetg invasiva, quei vul di ch'el sederasa enorm. La derasaziun succeda sco suonda: Vegn in toc ragisch ni ina caglia dismessa ni lavada dall'aua giu, crescha leu nua che tala vegn a ruaus la proxima caglia (rizoms). La part veseivla sur tiara ei mo il spitg dil cuolm, sut tiara sesanfla la gronda part dil badalestg. La part sur tiara vegn mo in onn veglia. Ina fructificaziun ei aunc buca vegnida constattada en svizra. La caglia sa vegnir tochen 3 m aulta. Las sorts indigenas svaneschan leu nua ch'il badalestg sederasa e scarpas teissas vegnan destabilisadas.

Las caglias perliung igl ual da Clavaniev ein vegnidas scarpadas ora e barschadas. L'auter onn vegn il badalestg segir puspei a crescher, pertgei mintga toc caglia sa buca vegnir rimnaus. Il sulet mied che gida ei tissi, quel sa denton buca vegnir impundius dapertut. Quei ha semussau en auters loghens nua ch'il problem „badalestg japanès“ ei gia sederasaus enorm.

**Tenor l'ordinaziun da liberaziun, art. 53 sa il caschunader vegnir castegiaus. Deponias selvadias vegnan buca toleradas. A Raveras sa vegnir deponiu gratuitamein curdem dad iert!**

Cun amicabels salids  
Uffeci forestal Mustér  
Simon Cathomen

